

Hverfisráð Kelduhverfis

Fundargerð

10. fundur, haldinn í Austurgarði miðvikudaginn 30. október 2019 kl.20:00. Mætt eru Guðmundur Ögmundsson, Jóhannes Guðmundsson og Sigrún Björg Víkingur aðalmenn og Guðríður Baldvinsdóttir varamaður.

Dagskrá:

- **Viðbrögð við fundargerð 9. fundar**

Fundargerð 9. fundar svæðisráðs fékk umfjöllun og jákvæð viðbrögð í þremur ráðum Norðurþings, þ.e. byggðaráði, skipulags- og framkvæmdaráði og fjölskylduráði. Hverfisráð þakkar góðar undirtektir og mun fylgja málunum frekar eftir ef þess þarf. Sér í lagi óskar hverfisráð eftir því að vera með í ráðum þegar samningur um skólaakstur er boðinn út á ný eða hann endurnýjaður.

- **Almenningssamgöngur í Norðurþingi**

Almenningssamgöngur innan Norðurþings austan Húsavíkur hafa legið niðri frá árinu 2017. Á sama tíma hefur SBA-Norðurleið hætt sumaráætlunarferðum milli Akureyrar og Ásbyrgis (og þaðan áfram í Mývatnssveit). Líta verður á þetta sem óheillaþróun, sér í lagi með tilliti til þjóðfélagsumræðu um auknar almenningssamgöngur í þágu baráttunnar gegn loftslagsbreytingum.

Hverfisráð skorar á sveitarstjórn Norðurþings að beita sér fyrir eflingu almenningssamgangna í sveitarfélaginu. Jafnframt hyggst hverfisráð taka málið upp á íbúafundi og kalla þar eftir hugmyndum um hentugar útfærslur.

- **Tilraunaverkefni um uppbyggingu í húsnæðismálum á landsbyggðinni**

Byggðaráð hefur falið sveitarstjóra að gera drög að samkomulagi við Búfesti um uppbyggingu íbúða á grunni tilraunaverkefnis Íbúðalánsjóðs.

Hverfisráð hvetur sveitarstjórn til að huga að uppbyggingu íbúðarhúsnæðis utan Húsavíkur, t.a.m. á þeim stöðum þar sem gert er ráð fyrir slíkri uppbyggingu í aðalskipulagi Norðurþings. Skortur á íbúðarhúsnæði er mjög takmarkandi þáttur í vexti fyrirtækja og stofnana á svæðinu og brýnt að ráða bót á því.

- **Vetrarþjónusta á Dettifossvegi**

Að öllu óbreyttu verður uppbyggður Dettifossvegur tilbúinn seinni part sumars 2020. Ljóst er að vegurinn verður mikil samgöngubót fyrir íbúa í Kelduhverfi og

GD JG SU RB

lyftistöng fyrir atvinnulíf á svæðinu. Með hliðsjón af því er afar mikilvægt að vegurinn verði fær öllum venjulegum bílum allan ársins hring.

Hverfisráð skorar á sveitarstjórn að beita sér fyrir því að frá og með vetrinum 2020-2021 verði Dettifossvegur að fullu þjónustaður á milli Mývatnsöræfa og Kelduhverfis.

- **Sorphirðumál – spilliefni**

Hverfisráð óskar eftir því að sett verði ílát fyrir smærri raftæki og spilliefni á móttökustöðina við Höfðabrekku.

- **Íbúafundur**

Hverfisráð samþykkir að næsti fundur verði opinn fundur með íbúum í Kelduhverfi. Áætlað er að halda fundinn 16. janúar 2020. Staðsetning verður auglýst síðar.

Fleira ekki tekið fyrir og fundi slitið kl. 21:30

*Guðna Egmundsson
Johannes Gudmundsson
Sigrún Víkingur
Guðna Baldvinsdóttir*